




中央民族大学出版社

〔清〕唐与昆 纂輯

制錢通考

周東升



中央民族大學出版社

〔京〕新登字 184 号

责任编辑：柯彦 王济平

封面题字：关东升

制钱通考

〔清〕唐与昆 纂辑

严宏 点校

中央民族大学出版社出版

（北京西郊白石桥路 27 号）

（邮政编码：100081）

新华书店北京发行所发行

煤炭部三河印刷厂印刷

787×1092 毫米 32 开 5.75 印张 46 千字

1994 年 2 月第 1 版 1994 年 2 月第 1 次印刷

印数：1—4,000 册

ISBN 7—81001—793—4/K · 105

定价：6.80 元

余向有古錢之好，曾手輯泉幣彙考十六卷，業已付梓矣。今思國朝制錢自開鑄以來，已歷二百餘年，於戶工二局之外，復令各省鎮置爐，或開或停，咸有定制。從前順治、康熙錢，背文俱紀以郡名，雍正以後迄於道光，則各紀以局名，兼之大小錯出，清漢異文，一品分爲數十品，而新疆等處普爾錢，復有當五、當十之分，衛藏銀錢又有大、中、小三等之別，一時雜然，前陳種類，不可勝數。現在國初之錢，雖有好古之士隨時收藏，然歷年久遠，已不可全覩。茲僅就余所藏之三百餘種，俱拓印成本，並參以會典及錢法志例，詳加考訂，分爲三卷。

併以授梓，以公同好云。

咸豐壬子仲秋前三日，西源唐與崑識。



凡例

一是編所敘開鑄之年分，錢制之輕重，以及增減更改之數，悉依會典並錢法志通行條奏詳加考訂，務究其源流始末，使讀者一覽可知。

一順治、康熙二號錢，歷年久遠，如盛京、常德、武昌、鄖陽、鞏昌、四川、貴州等局錢，今俱未之見，故寧闕之。

一額鑄制錢及爐座數目，今昔不同，或舊額本多，現在減少，或舊額原少，今復加增，均依時代錄之於編，以備考核。

一順治年間，京外共置錢局二十六處，至康熙時漸增

至三十二處。現在開爐鼓鑄者僅有直隸等十四省，並戶工二局共止錢局十八處，較前幾少一半，而各直省猶以銀貴錢賤動請停鑄。

一古錢背後多有星月文及兩面同文，各種今制錢內亦間有之，悉入集中。

一新疆伊犁寶伊局錢，內地偶亦有之，殊不易得。

一回疆阿克蘇等處當五當十普兒錢，陝甘地方尚可搜羅，他省俱未之見。



一編內正用品三百三十四種，俱係用原錢搨印上板，清漢字文較對無訛。

壬子八月西源又識

制錢通考卷之一

山陰唐與崑西源氏纂輯

正用品上





右 太祖高皇帝清書天命錢。明史萬歷四十四

年 太祖建國號大清紀元天命鑄天命錢。西源按



右錢面文四字達和生先生釋其文左爲清語阿鋪開

乃漢語天字右爲清語福靈阿乃漢語命字上爲清語汗乃漢語




帝主子下爲清語幾哈乃漢語之錢此皆係國初未有圈點之字天聰以後字體與此不同又按天命錢相傳臨陣時置帽中可避火器金刃



右太祖漢文天命通寶錢背無文西源按天命錢有清書漢文二種質俱厚重皆當時所鑄也









右 世祖章皇帝順治通寶錢二品。微有大小，背無文。明史崇禎十七年三月，流賊陷燕京，五月清兵定京師，李自成西走。世祖遂卽帝位。順治元年冬，行順治通寶錢。西源按右錢二品，背無文字，當是寶泉局初鑄之錢。



右順治通寶錢四品。一背右戶字，一背上戶字，一背右
 工字，一背上工字。順治元年，於戶部置寶泉局，設爐
 一百座，鑄順治通寶錢，每文重一錢。又於工部置寶源
 局，設爐五十座，一併開鑄。設戶、工二部，滿漢右侍郎各







一員督理京省錢法滿漢司官各一員監督局務西源
 按右錢背文戶字工字應是寶泉寶源二局所鑄者










右順治通寶錢十一品。一背右河字，一背上河字，一背右陝字，一背上陝字，一背右臨字，一背上臨字，一背右宣字，一背上宣字，一背右薊字，一背上薊字，一背左延字。順治元年題准河南、陝西、臨清、宣府、薊州、延綏等省鎮開爐鼓鑄，令布政使總理就近道廳官分管，五年停止延綏鎮局。西源按：右錢背文河字、陝字、臨字、宣字、薊字、延字，當爲河南等省鎮所鑄者也。



右順治通寶錢五品。一背右原字，一背上原字，一背右同字，一背上同字，一背右云字。順治二年題准，令山西省及大同、密雲二鎮開鑄。又題准鑄錢，每文重一錢二分，每文准銀一分。舊錢每十四文准銀一分，官以此徵民，以此輪納，聽便行使。西源按：右錢背文原字，同字，云字，是山西省太原府及大同、密雲二鎮局所鑄者也。



右順治通寶錢二品。一背右荆字，一背上荆字。順治三年題准，令湖廣并荊州鎮設局鼓鑄，又議准禁用舊錢送部者，每斤給價八分。西源按：右錢背文荆字，應是鑄於荊州者。

